

Téerëe bíníyú unna won Pool Filemoo ra Kúnsëe

Yee daa unna bíní Pool Filemoo ra. Di fi Filemoo húmú yíkëe alal te húmú lahte i ñaam faami. Di ñaahi ðëewí yaa bín fë, ñaammi wa daa súrgë yée ké yen woteh. Pool waarete ri Uni Neba, ði haalte ngémë ní ði yeeltee hen kooji Pool.

Húmú lahte ow di ñaammi Filemoo hínú Onesime, fússé hegohte. Bani Pool yúhëntúu homi Pool kasaa, ði haalte ngémë.

Jamanii baaha, ñaam fús hegoh ní habaatu raa, tíkúu daani misikke ní misik te húl sah na ðam na.

Pool yeñ Onesime Filemoo na, bíníté unni yeh tíkké ya'i, komaalohi wa Filemoo. Filið unna, Pool ðagidte Filemoo, baaliðte Onesime Filemoo na, wonte ri biti ði haba' ri koy-yaafi.

Þëyí fí jarji téeríi bee ðéeð ay yúh biti ðëewë gémú Yéésú-Kiristaa na ra ðéeð, wa i koy-yaay.

Wodohi Pool Filemoo

¹ Do fi Filemoo kooji fun, ðo fa bok a fun légéy rë, so' mi Pool, so' fa téyú kasu ndah Yéésú-Kiristaa ra, funi Timoote koy-yaafi yen filið ngémë, fun na woduu ro. ² Fun na woduu Apiyaa* koy-yaafi yen filið ngémë ðal, a Arkipe fa yeni boku haa'a ra, a ðëy ílí jarjaa na tee'uu faamu ra. ³ Baap-Koo a Yéésú-Kiristaa Yíkëe líhún rën mal, on ðon jaamma !

Yee ðagid Pool Filemoo ra

* 1:2 1.2 Apiyaa :Di ow ðeeð.

⁴ Filemoo, wahtii dʒagaa mi ní nuf so' pay dʒoo na rek, faraah mi sím Koope fi yen, ⁵ ndah mi kelohte dʒee gémè' a dʒee faha' fu Yéésú-Kiristaa Yíkée te lahidte bʒewí Koope bʒéeb njiriñ ra. ⁶ So' nék, yee na dʒaŋ mi ra daa ri bitih, ngémè boku yen baa ra lah njiriñ, nda fu yúh ní lan iñi wanna bʒéeb lahu yen gémè gémú yen Yéésú-Kiristaa na ra, dʒi lah ndam. ⁷ Do fi koy-yaaso', faha'a faha' fu bʒewí Koope ra, onte wa doole, sosilte keeñ so', yéellidʒté rí.

Layidi Pool Onesime

⁸ Daaha, Kiristaa onte so' sañ-sañi túuyëe mí rë yee nay fuu page ra sah ndaa, ⁹ yee nay mi roo dʒage bee ra nék, mi fahaay biti mi túuyë rë rí túuyë. Fu pagaa ri biti fu faha' so' fahoo daa génël sè'. So' mi Pool, so' fa faan so' maan bee ra, bʒaatte biti mi téyúté kasu abee ndah Yéésú-Kiristaa ra, daa mi na dʒaŋ dʒo. ¹⁰ Yee nay mi roo dʒage ra nék, mi dʒagid' dʒi Onesime fa hen koy soo na, mi hente baap dʒi na filiḅ ngémè di kasaa hom mi bee ra. ¹¹ Dʒéḅeenë, dʒi lahray ro njiriñ ndaa leegi dʒi lahidte yen bʒéeb ana njiriñ†. ¹² Kon, mee roo rii nimilid' dʒa te lah yúhé biti daa ri keeñ so'. ¹³ Mi yef ri soo na dee koon daa génël sè' nda ri légyíḅ sè' iña nay fu soo légyíré koon homi so' filiḅ kasaa bee ndah Uni Neba ra, ¹⁴ ndaa mi fahaay paŋ dara te fu ñéeréh në. Mi fahaay gangalu paŋi yii wuni bah, mi faha' biti fu núhëe rí keeñu. ¹⁵ Mín hena dʒah, taka' ee ke dʒoni Onesime baa waḅ waro, nda maañeh fʒi fu liilaat dʒi faw. ¹⁶ Leegi, dʒi henlay ñaam kep, dʒi gén ñaam fap, dʒi koy-yaay, bi fahuute ní faha'. So' mi bee dé', mi faha'te ri ní faha', ndaa dʒo fu waḅtee rii faha' faha'i luk bi funi af biti dʒi súrgúu, te ri koy-yaafu filiḅ ngémè.

† 1:11 1.11 Onesime : daa ri « lahte njiriñ » di gerek.

¹⁷ Yaha biti fu hampe ñéerë'í yen raa nék, lah habee ri ti biti fu ham so' nen. ¹⁸ Yaha biti ði tooñ ro tooño mbée ði lahid' ðo kabut, pegoh so' wa. ¹⁹ So' mi Pool daa mi na bíní a ya' so' ee bitih : « So' mi beh, daa mi nay roo yínlé. » So' nék, mi fahaay roo won biti ðo ðal, fu lahidte so' kabut te kabut ka, ði pesu, ðo fi bah. ²⁰ Aharjay, ðo fi koy-yaaso', pagid' so' yii baa ndah Yíkée, fu yéellid' keeñ so' ndah nona nonu yen Kiristaa na ra. ²¹ Wéerté sè' biti iña bíní mi ro yee ra, fay waa paṅ ní fu ðaat na kay sah. ²² Lah saamid' so' tígí homa mi ðal ndah mi yaakaarte bitih ðañṅi ron tahte leegi mi nimiliru ron.

Takohi Pool a Filemoo

²³ Epafaraas fa funi homu kasaa ndah Yéesú-Kiristaa ra na wodoh ro, ²⁴ ðani Marka a Aristarka a Demaas a Lúkké, yee funi wa boku légéyë rë. ²⁵ Yéesú-Kiristaa Yíkée lhhé rën mal !

Séréel Ndút: Unni Koope

Ndut: Séréel Ndút: Unni Koope (New Testament+)

copyright © 2020 Wycliffe Bible Translators, Inc.

Language: (Ndut)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 14 Jun 2022 from source files dated 13 Jun 2022

a3a1238b-9393-5875-a4c5-1d3f38537bfe